



Fylkesmannen i Sogn og Fjordane

Sakshandsamar: Jorunn Fosse Fidjestøl
Telefon: 57643156
E-post: fmsfji@fylkesmannen.no

Vår dato
18.01.2017
Dykkar dato

Vår referanse
2016/4514- 423.1
Dykkar referanse

Blom Fiskeoppdrett AS
Ulvøyvegen 130
5337 RONG

Førebels svar - krav om utsett iverksetjing

Vi syner til oversending frå Kommunal- og moderniseringsdepartementet av 20.12.2016. Meland kommune har i sak 58/2016 den 05.09.2016 gitt dispensasjon frå kommuneplanen sin arealdel til flytting av eksisterande akvakulturanlegg frå Laksevika til Trollholet, og oppgradering til ny type anlegg som krev ca. tre gonger større areal enn eksisterande anlegg.

Fylkesmannen i Hordaland klagar på vedtaket i brev dagsett 17.10.2016, og klagaren har bede om utsett iverksetjing av vedtaket.

Fylkesmannen har vurdert kravet om utsett iverksetjing, men har ikkje teke kravet til følge. Det er ikkje klagerett på denne avgjerda.

Fylkesmannen si vurdering

Etter forvaltningslova § 42 kan underinstansen, klageinstans eller anna overordna organ avgjere at eit vedtak ikkje skal iverksetjast før klagefristen er ute eller klagen er avgjort.

Bakgrunnen for regelen er rettstryggleikssyn. For klagaren kan det vere avgjerande at vedtaket ikkje vert sett i verk før det er avgjort om klagen fører fram. Vi har gått gjennom saksdokumenta og det vedtaket det er klagar på.

Vi kan ikkje sjå at tiltaket er irreversibelt, eller at iverksetjing av vedtaket på annan måte fører til at klagarane ikkje har reell klagerett i saka. Det er derfor ikkje grunn til å gje klagar oppsettande verknad.

Vi presiserer at tiltakshavaren sjølv er ansvarleg for den økonomiske risikoen ved eventuelt å måtte føre tilbake tiltaket dersom vedtaket ikkje står seg ved overprøvinga. Vi orienterer samstundes om at vanleg handsamingstid for slike saker er inntil 3 månader, og at vi vil ta kontakt dersom det er behov for synfaring.

Med helsing

Arnt Erik Nordheim
seniorrådgjevar

Jorunn Fosse Fidjestøl
seniorrådgjevar

Brevet er godkjent elektronisk og har derfor ikkje underskrift.

Elektronisk kopi til:

Meland kommune	Pb. 79	5906	Frekhaug
Fylkesmannen i Hordaland	Pb. 7310	5020	Bergen